



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XIV. Bella inter Pontificem & Caesareos. Pacta inter eos inita, ac soluta; quo tempore Roma bis expugnata & direpta, & Pontifex captus.

urn:nbn:de:hbz:466:1-11642

more indignantium, qui per impetum iracundiæ de re qualibet ad-
uersario litem intentant; tamen ne minimam quidem labeculam
simulatae Religionis, animique politici magis quam Catholici præ-
se tulerunt.

C A P V T XIV.

*Bella inter Pontificem & Cæsareos. Paæla inter eos inita, ac
soluta; quo tempore Roma bis expugnata & di-
repta, & Pontifex captus.*

Pontifex cum Cæfaris administris concordiam composuerat.
Præ ceteris eam promouerat Pompeius Cardinalis Columna;
qui stipulationis die Sacris operatus in Templo SS. Aposto-
lorum, suis in ædibus, templo contiguis, solemnè exceptit conui-
uio Pontificem, Cardinales, ac Principum Oratores.

Sed cum ea paæta rata non fuissent à Cæsare habita, nisi cum qui-
busdam exceptionibus à Pontifice repudiatis, hic verò cum adver-
sariis iniisset fœcudus; Pompeius, post aliquam tergiuerationem ma-
luit suæ familiae, quam suæ Purpura partes sequi, cœpitque suis in
oppidis pro Cæsare militem comparare. Pontifex, cui satis erat
Sfortiam in Principatu reponere, & cui vti erat sumptus grauis, ita
bellum odiosum, quod auro magis quam ferro conficitur, negle-
xit, vt id temporis poterat. Columnios opprimere, & contra Gil-
berti primarij Consultoris sententiam cum iis conuenit, vt Pompeius,
ac reliqui illius familiae desisterent à delectu militum intra
Pontificis ditionem: quod si Cæsari deseruire liberet, in Regnum
Neapolitanum abirent. Verum seu ex ambitione Pompeij, speran-
tis le defuncto Pontifice per suæ factionis studia Vaticanum Solum
ascensurum; seu ex arte Hugonis Moncada, Cæsareorum mili-
tum ductoris, cui datum fuerat negotium ita Pontificis implican-
di, vt Cæsarianis in Insubria molestiam afferre non posset, à pactio-
ne recessum: & ambo clàm exercitum Duce Moncada ad Vrbis
vsque mœnia perduxere, à Pontificiis nec detecti, nec impediti,
quippe languidis ac negligentibus ob stipendiorum difficultatem:
ad eo cepere pariter ac diripuere Leoninam Urbem, & desque
Pontificias ad Vaticanum, compulso Clemente ad Aliam arcem
confugere; qui Moncadam ad se accersiuit, duobus è Senatu Pur-
puratorum datis obsidibus. Hic ingressus, redditisque Clementi
diadematæ, aliisque Pontificiis ornamentiæ è prædatorum manu-
biis, flexis genibus factum excusauit, sui muneris necessitatem cau-

B b 3

fatus.

1526.

satus. Inde, inuito Pompeo, inducias cum Pontifice his conditionibus init: Vt ab Insibria Pontificias copias ille dederet, & Columnis veniam impertiret. Sed mox Pontifex, reuocatis exercituis sui Ducibus quod pacta perficeret, seque armis communium animaduertens, censuit pactionibus haud se teneri; tum quodērum aliquæ nec à Cæsarianis seruatæ fuerant, tum quod Columni in nouum delictum reciderant. * Quare iussit fisci procuratorem in Senatu adesse 7. Nouembris, ac petere vt contra illos, eorumque affleclas ageretur ex iure, tamquam è pactionibus delapsos, properè quod præterito Septembri in variis Vrbis locis affixerant edicā, Ecclesiasticae libertati aduersantia; multas conscriperant literas, quibus Sedis Apostolicae ciuitates, populique Romani Magistratus ad perduellionem solicitabant, aliasque præterea literas ad varios Principes, Pontifici contumeliosas. Hic Procuratoris permōnem admissit, iussitque eos legitimā commonitione citari; ad quam, vt mox dicemus, Neapoli Pompeius acerbissimè respondit. Vnde Pontifex eò magis exacerbatus, 21. Nouembris, post elapsum diem iure præscriptum, sententiam protulit in Columnis vt laxe Mæstatis reos; Pompeo Purpuram abrogauit, eorumque pagos directioni concessit.

Sed consilium ardenter quidem quād cautius minimè comprobauit euentus. Cardinalis primò commonitionem, dein sententian despexit, acerbisque Cæsaris literas, ad Clementem eiusque Senatum scriptas, typis euulgandas curauit, publicisque libellis Roma affixis, ad Concilium prouocauit, Spiræ, vt ipse dicebat, celebrandum. Non quod verè tunc ageretur de conuocando ibi Concilio, sed quoniam in commemoratis literis, vt expositum est, aiebat Cæsar, se ex obseruantia in Romanam Sedem prohibuisse Spiræ Conciliabulum, vrgebatque altera ex parte, vt cogeretur Concilium, seu à Pontifice seu à Senatu Purpuratorum; quod si id neglexissent, ipsum per se remedium adhibiturum. Hinc Pompeius r̄ fortasse haud plenè conscientis, aut minas speciosius oboluens, per nouum Conuentum Spiræ verè habendum, ad Concilium Spiræ celebrandum prouocauit; perinde ac si Cæsar mutato consilio id cogere meditaretur: adeoque simul ita ostendebat, se non prouocare ad Concilium merè possibile; simul timorem Pontifici incutiebat quādam machinâ non imaginariâ, sed imminentē, quādūmen non alio quād enarrato nitebatur fundamento: eaque propter Suavis, qui rem hanc minimè percepit, fatetur à se numquam fuisse cōpertum, quidnam ageretur negotij in conuocando Spiræ Cōcilium Romanum.

* Ex relatio-
ne Conti-
lori.

4 Romam interea redit, ynde à Pontifice missus ad Carolum fuerat, * Franciscus Quignonius, qui tunc ab Angelis dicebatur, Minorum Generalis Minister, & cum eo Cæsar Ferramusca: hi literas à Cæsare humanissimas suâ manu scriptas deferebant, quibus Pontifici testabatur, sibi esse in animo cum eo reconciliari. Comissa Quignonio mandata hæc fuere: Cuncta Pontifici restituenda, tametsi pessumdatam Pontificiam ditionem, vbi esset regrefus, offendiceret: Cæsarem nec sibi nec fratri suo villam velle accelerationem fieri, ne vnius quidem vlnæ telluris Italica: Sfortia causa committeretur Iudici à Pontifice ac Cæsare ad id destinato, & si probaretur innocens, Principatus illi restitueretur; sin autem reus, Borbonio concederetur: In Italia pax haberetur! Regi Galliæ fij redderentur, persolutio, quod ab ipso offerebatur, libertatis pretio. His conditionibus confessim Pontifex assensus est, ut qui molimina Insubriæ cernebat minus prosperè procedere, ac supra modum à sumptibus periculisque abhorrebat.

5 At Cæsaris in Italia Ministri alias pactiones Pontifici grauissimas adiecerunt: quo circè cùm pax componi non posset, Clemens voluntate Cæsaris fretus, sibi per literas significatæ, inducias suis rebus perincommodas confecit, interuentu Lanoix, Proregis Neapolitan: atque quæ cautius ageret, voluit & à prædictis Caroli Nuntiis, & à Prorege, & à Borbonio, copiarum Cæsaris in Insubria Duce supremo, reddi certior, satisne foret cum Prorege sibi conuenire, an opus esset seorsim quoque cum Borbonio pacisci. Et quantum idem asserit inter mandata Farnesio tradita, responsum est ab omnibus tamquam certum, pactionem cum Prorege satis futuram.

6 At vero Cæsareus exercitus apud Insubres elatus victoris, stipendiorum penturia contumax, intensus Pontifici, quippe magna ex parte Germanis hæreticis conflatus, ductore Georgio Franspergio, acerrimo Lutherano, atque ipse eriam Borbonius supremus illius imperator, sanctitas cum Lanoia inducias recusarunt. Cùm autem non auaritia modò, sed ne fami quidem satis pabuli suppeteret in Insubria, per ipsos deuastata potius quam debellata, spe Romanorum opum alebantur, quæ re ingentes, vulgi tamen (vt assolet) opinione in immensum excruebant. Ita indigentia simul & auaritia stimulati, commeatum transitumque præbente Ferraria Duce, cui depresso Pontificis satis placebat, supremum sibi ius in Mutinam Rheygiumque tribuentis, Romam versus per Ecclesiasticam ditio nem magnis itineribus contenderunt.

7 Fœderatorum copiæ ad Pontificem tuendum languidissimè processerant,

1526.

1527.

* Vide de
hac te etiam
Lucæ Wad-
dingum.
tom 8. An-
naliū.

1527. cesserant, tum quod in ea virium imbecillitate militum P̄f̄fēt̄ magis suarum rerum in Insibria fatagebant; tum quod animum Clementis adeo pacis audum intelligebant, ut Nuntium in horā expeditare compositæ inter illum ac Cæsarem pacis, vnde ipsi colat auxilij operam perdidissent.

Pontifex in huiusmodi angustiis deprehensus, quod in fœderati ardorem cieret, nouum cum iis fœdus stabiluit, quinto vel sexto ante suas ærumnas die, at sine fructu. Nam Cæsariani, nullo per vias obice retardati, Romæ verò modicam nocti propugnatorum vim, minusque consilij, Orbis Christiani Regiam expugnarunt, ac dimicauerunt, nihil planè parcentes sanctitati seu vasorum, seu locorum, seu graduum, seu professionum, nihil ætatis vel sexus innocentia, nihil denique factionis amicitia, quando Hispani quoque Cardinales nihilo mitius quam reliqui accepti: tantaque vbique immunitate sicutum est, ut vel in Turcarum dirienda Regia nimis barbara crudelitas illi par haberetur. Verumtamen neque Fransp̄gius eo spectaculo frui potuit, cuius auditate captus ē Germani descenderat, oppignerato etiam patrimonio, quod milites quibus prærerat conduceret, secum etiam laqueum gerens auro illatum, Pontificis gutturi ab eodem impie destinatum: neque Borbonius nefasta victoriae superstes fuit. Prior enim paralysi corruptus, cessè habuit Ferriam deduci morbo coactus, antequam exercitus Romanum perueniret: alter verò in ipso ingressu ictus plumbico globo minoris tormenti, animam efflavit infelix perduellis in duo suprema Capita, quæ in terris erga ipsum Dei vicem obtinebant. Pontifex cum in arcem confugisset, nec satis virium ad resistendum haberet, Aurantio Principi, qui Borbonij loco exercitui præerat, se dedidit; ab eo autem non solum ardebat, sed acerbius etiam habitus in custodia.

Expectabatur int̄cere quid Cæsar de ipso Pontifice decreuissit. Ille tam grauis & inopinata rei nuntio anceps hæsit. Hinc horrificus eius animum occuparat, ob innatam Religionem, offenditionemque generis Christiani: hinc consumptâ victoris pecuniâ, nulla sp̄ occurrebat ratio, quæ milites, ob merita nec soluta stipendia querulos, in officio contineret, nisi pretio redimendi captiui. Intelligens præterea, libertatis beneficium longè impar offenditionis gravitati futurum, timebat à tanto hoste libertati reddito parem iniuriam vindictam. Quapropter facinus quidem execratus, festiuam Ante speciem ob natum filium in vestes lugubres commutauit; sed copiarum Ducibus iniunxit, ut cæratione Pontificem liberarent, qui stipendia

stipendia militibus debita persolverentur, sibiisque cautum foret, ne quid ex ea indulgentia detrimenti esset passurus.

1527.

10 Hæc ambigua Cæsaris mandata, tametsi honestiorem ad sensum traxerint pro auita generis magnanimitate Columnij, qui Patriæ cædauer inter palmas deplorabant, simulque angebantur inultâ supremo ipsorum Principi tam enormis ignominia notâ; inhumaniore tamen subtilitate ea sunt interpretati & executi Duces Cæsariani: adeoque plures menses in custodia Pontificem habuere; nec inde liberum dimisere absque ingenti auri vi, multisq[ue] arcibus acceptis ab eo, tamquam pacis obsidibus.

11 Verum illi exercitu execrandis frui spoliis non licuit, cum pene totus absimus pestilentia satis brevi perierit. Moncada verò, Guicciardinus lib. 19. præcipius mali auctor, ac medicinae submotor, paulò post infelicitè clausit diem, in prælio nauali vndis absorptus. Hoc pacto noluit Deus, ut vieti calamitas in viatoris prosperitatem abiret.

12 Nihil diligentia prætermiserat Castilioneus, Nuntius, in Cæsaris mandatis pro libertate Pontificis solicitandis: & præter priuatim adhibitos apud Carolum deprecatores ex Hispaniæ primoribus, tam Ecclesiasticis quam laicis, curauit etiam, ut Episcopi lugubri amictu vnâ supplices adirent Cæsarem, enixeque peterent ipso- rum Capitis libertatem. Sed hæc officia ex sententia satis progressa vbi Aula Cæsareæ comperta, sunt illoco interturbata, ceu quædam species ordinis nimis commoti.

13 Postremò, post eas retardationes, quibus Hispanica consilia suos concipiunt fœtus antequam pariant, præsertim in summis negotiis, efficacia Cæsaris mandata Romam deuenere. Per hæc, ope- râ in primis Pompeij Columnæ, iam à Pontifice in gradum pristinum reuocati, in pactionibus cum Cæsareis, & Generali Ministro

* 26. Nouembrio anno 1527. solenni stipulatione composita pacifi- * Nō ultima
cario, subscriptibus hinc Pontifice & Patribus Purpuratis; hinc Octobris,
Moncadâ iam Neapolis Prorege, & memorato Minorum Præside vt narrat
Generali (qui acceptâ postea à Clemente Purpurâ, Cardinalis Guicciardini,
S. Crucis est appellatus) ac Petro Veirâ, Cæsariâ Cubiculis; quem
ad hoc miserat Carolus, cum literis etiam ad populum Romanum,
sensum doloris præ se ferentibus, simulque consolationem ac pro- missa præbentibus.

14 * Summa concordia erat: Cæsarem agrè tulisse, arma in Pontificem & Vrbem illata, ceteraque vexationes, quibus Pontifex variique Cardinales ac Præfules affecti fuerant. Exercitum sine duce, sine lege, propriâque cupiditate compulsum ea omnia perpetraisse.

Pars I.

Cc

traffle,

Pag. 5.

* Literæ
Nuntij Bur-
gis ad Cle-
mentem,
16. Decem-
bris 1527.
in t. tom.
Liter. ad
Principes.

* In Tabulis
Vaticanicis,
collectis à
Contiloro,
in libro cui
titulus est,
Historia pro
Conclio
Tridentino,
pag. 5.

1527. trasse, non solùm ignaro, sed inuitò Cæsare; cui semper in animo fuerat, Pontificem tamquam Patrem reuereri, ac tamquam Christi Vicarium venerari; adeoque ad primum indigni facinoris nuntium mandasse, vt comprehensà quantum fieri posset licentia, priuina dignitas Apostolicae Sedi, non in Sacris modò, sed in profani etiam redderetur. Cùm autem nihil ipse optaret ardentius, quam inter Christianos pacem, communem in Turcas expeditionem, & Ecclesiæ solatium atque concordiam, ad quæ supra cetera condere videbatur Vniuersale Concilium; idcirò illud in primis statuendum, vt Pontifex sacramque Collegium omni studio ac fide Christianorum pacem conficiendam curarent; ac præterea, quod floresceret Ecclesia, Lutherique heresis extirparetur, Generale Concilium indicendum cum debitis (vt aiebat) & legitimis modis, & in debito, & cum earum rerum obseruatione, que iura exposunt, omnia quâ fieri posset celeritate: Vel certè, vt Pontifex ac Patres pro vihi Principes compellerent tam ad pacem conficiendam, quam ad Concilium congregandum.

Haud equidem miror, hanc conditionem, à me in tabulis huius concordiae perlectam, ab aliis Historicis prætermissam fuisse, tamquam rem minus spectantem ad præcipuum ipsorum argumentum: at è contrario hoc silentium in Suavi arguit nimis mutiarum rerum notitiam; quippe qui dum alia peculiaria recenseret, quæ tamquam parerga ab eo inferuntur historiæ; de hac re, quæ solùm ad ipsius institutum pertinebat, nihil mutit.

C A P V T XV.

Quid apud Pontificem Rex Angliae tentauerit, quò matrimonio suum irritum declararetur. Et Campeggij Legatio.

1528. **E** Gressus ab arce Pontifex, Vrbem Veterem adiit, situ minitissimam, & bidui itinere Româ distantem. Eò ab Henrico Anglorum Rege Legati aduenere, summa quaque pollicentes, sed vnâ rem grauissimam postulantes. Henricus, vñ diximus, secundo loco natus maiorem fratrem habuit Arcturum Principem. Huic pater Henricus Septimus (non Odoardus, vñ fallitur Guicciardinus) nuptui dedit Catharinam, Ferdinandi & Isabellæ Regum Catholicorum filiam, & fororem natu minorem Ioannæ Caroli V. matris. Sed intra paucos menses extinto Arcturo, Rex Angliae imperato Ferdinandi consensu, & à Pontifice la-

Guicciardini
nus lib. 18.